



ATASSUT  
Steen Lyngé

UPA15/131-1  
24.03.2015.

**Akuunerulersitsinissaq pillugu Naalackersuisut nalunaarusiamik saqqummiussinissamut Inatsisartunit suliakkerneqarnissaannik aalajangiinissamut siunnersuut. Nalunaarusiami ersersinneqassaaq inatsisartut oqaatsit pillugit inatsisaanni § 5, imm. 1 naapertorlugu kalaallisut oqaatsinik ilinniarnissamut pisinnaatitaaffik qanoq sunniuteqarnerseq, sunniutaalu naammaginartutut isigineqarsinnaanersaq. Taamaangippat sunniutaasup amigaataanerani naammaginanginneraniluunniit aporfiit suunersut paasissutissiissutigineqarnissaat kissaatigineqarpoq. Nalunaarusiami oqaatsinik ilinniarnissamut pisinnaatitaaffiup inatsimmi § 5, imm. 2 tunngavigalugu nalunaarusiuunneqarnissaa tamatumalu qanoq pinissaa inassutigineqassaaq. Peqatigitillugulu nunatsinni inuiaqatigiinnut, kulturimut, ileqqunut, peqatigeeriaatsinut naleqartitanullu tunngatillugu assigisaanik malittarisassaqartoqarnissaanik pisariaqartitsisoqarnerseq nalunaarusiami naliliisoqassaaq.**

(Inatsisartunut ilaasortaq Juliane Henningsen, Inuit Ataqatigiit)

Atassut Naalackersuisut akuunerulersitsinissaq pillugu nalunaarusiornissaannik piumasaqarnissamik Inatsisartut akuerisassaannik siunnersuut pillugu imaattunik oqaaseqarumavoq.

Assigiinngissuseq nukittuunngortitsisarpoq.

Kinaluunniit nunatsinni innuttaasooq Kalaallit Nunatsinni tikilluaqqusaavoq. Kikkut tamaasa nunatsinni najugaqalerumasut atorfissaqartippagut apeqqutaatinnagu nunamit suminngaanneersuunerat.

Atassutip tungaanit assigiinngiiaartuuneq sanngeequtitut isiginngilarput. Isumaqarpugummi tamanna inuiaqatigiinni nutaatut eqqarsartuni nukittorsaataasuusoq. Assigiinngissusermi tassaavoq inuiaqatigiinnik nukittuunik pilersitsinissami tunngavissarput.



## ATASSUT INATSIARTUNI

---

Assigiinngissuseq akueralugu ineriartortitserusunnerup takutippaa inuit kikkulluunniit naligiimmata aamma assigiissunik pisariaqartitsimmata. Tassalu akuerineqarnissamik ataqqineqarnissamillu pisariaqartitsillutik.

Innuttaasut ataatsimuulersikkumallugit pisariaqartipparput oqaloqatigiinnissaq oqaatsit atorlugit. Inuiaqatigiinni nutaamik eqqarsartuni pingaartuuvoq immineq oqaaserisat saniasigut allat oqaasiinik aamma atuinissamut piginnaaneqarnissaq. Taamaattumik nunarput ullumikkut Inatsisartut inatsisiliaannik nr. 7 ukioq 2010 majip 19ianeersumik peqarpoq.

Inatsimmi tassani siunertaavoq kikkut tamarmik kalaallit oqaatsitsinnik, qallunaat oqaasiinik kiisalu tuluit oqaasiinik ilinniarnissamut periarfissaqartitaanissaat.

Atassummit nuannaarutigaarput suliffeqarfiit annerit inatsit akuersaarlugu atormassuk taamallu suliffeqarfiit arlaqartut oqaatsinut politikkeqalersimmamata. Suliffeqarfiit taamaattut sulisutik periarfissippaat kalaallit, qallunaat tuluillu oqaasiinik ilinniarnissamik, pikkorissaanerni peqataanikkut.

Pingartuuvormi innuttaasut tamarmik namminneq oqaatsimi avataatigut allat oqaasiinik ilinniarsinnaanissaat taamaammallu periarfissat taamatut ittut inuiaqatigiit pisussaaffigivaat sinaakkusiutissallugit. Ullumikkut ilisimaqqissaanngikkaluarparput oqaatsinik ilinniarsinnaatitaaneq maanna qanorpiaq sunniuteqarnerisq, taamaammatt Atassummit siunnersuuteqartup kissaatigisaa, tassalu pineqartoq pillugu nalunaarusiortoqarnissaq, tikilluaqqarput.

Allanik oqaaseqarnata Atassummit siunnersuutip ataatsimiititaliamukartinneqarnissaa inassutigivarput.